

**Ո Ր Ո Շ ՈՒ Մ**

Ճանապարհային ոստիկանության վարչական տույժ նշանակելու մասին 22.11.2017թ. թիվ 1707160183 որոշումն անփոփոխ, իսկ վարչական բողոքն առանց բավարարման

թողնելու մասին  
<< 11 >> 12 2017թ. 124-25557-13 / 10-4-1153

ք.Երևան

«Ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Կարեն Ալլահվերդյանի դիմումի քննարկման արդյունքում ստեղծված նյութերը՝

**Պ Ա Ր Զ Ե Ց Ի**

Երևան քաղաքի Դավիթաշեն 4-րդ թաղամասի 8 շենքի 6 բնակարանի բնակիչ Կարեն Ալլահվերդյանը դիմումով խնդրել է վերանայել հետընթաց վարման կանոնները խախտելու համար իրեն վարչական պատասխանատվության ենթարկելու մասին 22.11.2017թ. թիվ 1707160183 որոշումը՝ նշելով, որ համաձայն չէ որոշմամբ արձանագրված իրավախախտման հետ:

Դիմումի քննարկման արդյունքում պարզվել է, որ վարչական տույժ նշանակելու մասին որոշումն օրինական է և հիմնավոր, քանի որ իրավախախտումն ամրագրած տեսանյութում տվյալ փողոցը փակ լինելու առկայությունը փաստող որևէ դրվագ չկա: Տեսանյութը փաստում է, որ 10.11.2017թ. ժամը՝ 13:45-ին դիմումատուն Երևան քաղաքի Սարյան – Կ.Դեմիրճյան փողոցների խաչմերուկի հատվածում՝ հետիոտնային անցման վրա տրանսպորտային միջոցը վարում է հետընթաց, իսկ «Կառավարության «Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին»» թիվ 955-Ն որոշման 49-րդ և 50-րդ կետերի համաձայն՝ հետիոտնային անցումների վրա հետընթացն արգելվում է:

Այսպիսով՝ ակնհայտ է դիմումատուի կողմից ճանապարհային երթևեկության կանոնի խախտում թույլ տալու փաստը, ինչի համար վարչական իրավախախտումների վերաբերյալ «Օրենսգրքով սահմանված է վարչական պատասխանատվություն:

Ելնելով վերոգրյալից և ղեկավարվելով վարչական իրավախախտումների վերաբերյալ «Օրենսգրքի 293-րդ հոդվածի 1-ին մասի 1-ին կետով՝

**Ո Ր Ո Շ Ե Ց Ի**

1. Ճանապարհային ոստիկանության վարչական տույժ նշանակելու մասին 22.11.2017թ. թիվ 1707160183 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել «Վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Կարեն Ալլահվերդյանին և ՏԳՈ ՍՄՀԽԱ կենտրոն:



Ե.Կարապետյան